



TE MWAKURI N IBUOBUOKI BON TARAKIIA TABEMAN N AI ARON ARE E KARAOIA TE TIA KAMAIU

Iesu e kabanea angjin Ana tai ma naake a aranaki irouia aomata bwa a kaokoro; E noori aia konabwai mairoun te Atua.

|nanon ara mwakuri n ibuobuoki n aron te Tia Kamaiu, ti na bae ni butiiaki bwa ti na buoka temanna are e kaokoro ma ngaira. Aei e anganiira ara tai n reiakinaki ao n rikirake.

Te katei, te reirei, te reeti, kaubwain te aba, te ririki, anua rimoa ao ngkai, ke tabeua kakaokoro e kona ni kabebetea aron motikan taekan temanna imwaain ae ti kinaa. Karioan ara iango ibukin temanna imwaain ae ti kinaa bon oin rikin te inanonano, ao te Tia Kamaiu e kauring ni kaitaraa (taraa 1 Tamuera 16:7; Ioane 7:24).

Ti kona n tarai kabwaka ake mai imwaaina ao n tarai aomata n ai aron are e karaopia te Tia Kamaiu? Ti na kanga ni butimwaea ao n tangiriia tabeman n aki tarai kabwakaia ni kororaoi ke itiakiia ao a na kanga ni bitaki?

Taraia ao n Tangiria

Iai te karaki man te Baibara are rongorongan te rorobuaka ae kaubwai are e titiraki bwa e na kanga ni karekea te maiu are akea tokina: “Ao E taraia Iesu, ao E tangiria, ao E taku nakoina, Ai ti teuana te bwai

are ko tuai ni koro raoi iai, nako kabo am bwai nako, ao angania akana aki kaubwai, ao e na reke am bwai i karawa iai: ao nako mai irirai” (Mareko 10:21).

Ngke e kamatebwiaia te koroboki ae tabu aei Unimwaane S. Mark Palmer man te Kooram n te Itingaun tabeua te ririki n nako, iai mwakoron te karaki ae e aki iangoia mai imwaina ao n te tai ae waekoa e taraa n rangi ni kakaawaki.

“*E taraia Iesu ao E tangiria.*”

“Ngkana I ongo taeka aikai, te tamnei ae maiureirei ae kaona au iango iroun ara Uea e toki ao n *taraa* te rorobuaka aei. *Taraia*—n aron taraakina n te aro ae nano ao n ninianako nanona, ni kinaa tamaroana ao ana konabwai naba, n ai aron naba ataakin kainnana nae rangi n rootaki iai.

“Ngkanne taeka aika a bebete—Iesu *e tangiria*. Iai namakinan te tangira ni mwamwannano ao n nano-anga ibukin te rorobuaka aei, ao *ibukin* te tangira aei ao *ma* te tangira aei, e mwaiti ae titiraki Iesu ibukina. I katumneia te bwai ae riai n namakinaki ibukin te rorobuaka aei bwa e namakina rababan te tangira e ngae ngke e butiaki bwa e na karaoa te bwai ae kaa-ngaanga bwa e na kabooinako ana bwai nakoia ake a kainnano. . . .

“[I bon titirakinai] ‘N na kanga ni kaonaki n ana tangira Kristo bwa e aonga [tabeman] ni kona n namakina ana tangira te Atua rinanou ao tangiran te kan bitaki?’ N na kanga ni kona n *taraia* [aomata nako ake irarikiu] n aron naba te kawai are te Uea e taraa te rorobuaka, n taraia bwa antai ngaiia ao a na riki n aekakira, nakon ae tii ibukin te bwai are a karaoria ke are a aki karaoria? N na kanga n riki n aron te Tia Kamaiu?”¹

N Reiakinaki n Taraia Tabeman

N reiakinaki n taraia tabeman n aron are e karaoria te Tia Kamaiu ni uoti kakabwiaia. Aikai tabeua iango ake a kona n ibuobuoki ngkai ti kaai ni mwakuriia te kouru aei.

• Kataia ni Kinaia

Mwakuri korakora ni kinaia aomata riaon riki kawai aika onoti man koaua. Ataia bwa katean te reitaki e bon anaa te tai ao te mwakuri korakora ni koaua. (Taraa rongorongan Reirein te Mwakuri n Ibuobuoki Aokati 2018 “Katean Reitaki aika iai Bukiia” ibukin te ibuobuoki.)

• Tirotiroa Arom

Kakauongo nakon motikitaeka ake ko karaoi ma bwaninin ataakina raoi ke n akea te ataibwai iai. Atai mwiin taeka aika koaua ake ko karaoi ibukiia

tabeman ao kataia n ota bwa bukin tera iai am namakin ibukiia n te kawai are ko karaoia.

• Katoka te Motikitaeka

Ataia bwa kaangaanga aki bairea aron kakawakin tamnein te aomata. Iangoia bwa ngkana ko mena n aia kaangaanga ao iangoia bwa aekakira aron ae e na taraiko iai temanna. Kaokoron ana rinerine ao anuan temanna man kakawakin bonganana ma ana konabwai ae mairoun te Atua e kona ni buokiira n taraia n aron are e na karaoia te Tia Kamaiu.

• Tataro bwa ko na Tangiriia

Tataro ni katoa tai ibukiia n araia ao ibukin te tao-taonaki n nano ni katea te reitaki ae koaua. Taratara ma te nano n tataro bwa ko na kanga ni buokiia. Iai te kaokoro imarenan te bwai ae ko karaoia ma te bwai ae a rangi ni kainnanoia?

E kabanea Ana tai Iesu ma aomata n anua ni maiu aika a kakaokoro, ake a kaubwai, ake a kainnano, taan motikitaeka, ao aomata aika boni kaangai naba. N taainako boni Ngaia te aomata ae bure motikan taekana irouia aomata ngke a taraia ao aron kaotan Maiuna ae kainnano ke e aki kakawaki arona. “Ngkana ti taraia ao akea naba raoiroin matana ae ti na tangiria iai. . . . E riribaki, ao ti aki mutiakinna” (Itaia 53:2–3).

TE KAKAO NI MWAKURI

Antai ae ko riai n taraia bwa e kakaokoro? Tera ae ko na karaoia ni bita arom n aron tarakiia?

N aron ana Taratara Kristo

Te aine ae tibwaua te karaki ibukin reiakinan taraakiia kaain rarikina n aron Kristo:

“Julia (e bitaki te ara) e maeka irarikiu ao n taraa n ae akea raoraona. E taraa n nanokawaki n tainako ao n unun. N aki tabe ma anne, I baireia bwa N na riki bwa raoraona. Tiaki n ae tii te ikikina, ma te rao ni koaua. I taetae nakoia ngkana I nooria ao ni kaota kukureiu n te bwai are e karaoria. Ni karaurau, I karaoa te namakin ni iraorao ma ngaia, e uota te kimwareirei inanou.

“N te bong teuana, I baireia bwa N na kawara Julia ao n titirakinna aron ana babaire n aki roroko n te taromauri.

“I reiakinna bwa akea ana utu ke ana utu ni kaan. Tii mwaanena ma tarina, bon mwaanena are e maeka n te tabo ae raroa, e rereitaki ma ngaia n te tareboon tii te taina n te ririki. Ngke I ongora ngke e bwaebweta nanona ni korakaina, unna, ao rawawatan nanona ibukin ana utu ao te Ekaretia, te namakin ae akea kaairuana n te nanoanga ao te tangira ibukin te aine aei e kaoti nakoii n ae korakora. I namakina marakina

ao rawawatan nanona. I ataia ae e maroaa inanon mai-una. Taraan ae kanga I ongo te kibuntaeka ae rau mai ibukiu: ‘I tangiria naba. Tangiria ao karinea.’

“I tekateka ao n ongoraa ni karokoa are akea te bwai ae e na taekinna. I namakina te tangira ao te nanoanga ibukina. Aei te aine ae e aki ataia bwa aekakira te namakin n aron ae ko na tangiraki iroun temanna mai mwaina. N te tai ae waekoa I oota raoi irouna. I karabwa ngkai e kariaia bwa N na kawaria, ao imwaain ae I kitanna I rabwatia ma au tangira ao au karinerine nakoina. E na bon aki ataia bwa

mwaitira rootakiu ibukin rokou irouna. E a tia Tamau are i Karawa ni kabwanina ataakina ao n reireinai bwa iai au atatai n tangira ma te nanoanga ae rikirake. I tokanikai ngke I baireia n aki tii riki bwa raoraona ma n riki naba bwa ana utu.”

Bon te bwai ae tabu n riki bwa mwakoron temanna nako nanon maiun temanna. Ma te tataro, te taotanaki n nano, ao ana ibuobuoki te Tamnei, ti kona n reiakin-na ni karaoia n aron ana kantaninga Kristo.

BWAAI AIKA A NA TARAAKI

1. S. Mark Palmer, “Then Jesus Beholding Him Loved Him,” *Riaona*, Meei 2017, 115.